

續山東考古錄卷之七

滄州葉圭綬子佩甫述

泰安府下

東平州

周須句國宿國鄆國須句滅於邾地入魯宿鄆入齊改宿為無鹽邑又魯郕邑郕邑陽州邑齊陽穀邑壽邑

須句國故城當在今州西春秋僖公二十一年左傳須句風姓也杜注須句在須昌縣西北此誤詳下

春秋隱公元年及宋人盟於宿杜注宿東平無鹽縣

又莊公三十年齊人降鄆杜注無鹽縣東北有鄆城按卽漢

續山東考古錄

卷之七

東平州

一 蝸角尖廬

縣

郕邑故城在東南四十里今郕亭集春秋昭公二十五年左傳奔郕杜注在無鹽縣東南

春秋莊公二十八年冬築郕杜注魯下邑

詳下古本作糜公穀傳皆作微

又襄公三十一年齊侵陽州昭公二十五年公孫於齊次於

陽州杜注齊魯境上邑春秋大事記謂在州西北紀要乾隆

志並言在州東北考昭公此行由陽州而平陰而野井在州

東北近是今州東北有大陽莊

公羊作揚州

陽穀邑在西北三十五里今王古店春秋僖公三年齊侯宋

公江人黃人會於陽穀杜注在須昌縣北元和志東阿縣陽

穀亭在東南四十二里今王古店猶在州與東阿境上唐東阿在

今縣西二昭公二十九年齊侯以陽穀與昭公子衍是時公十六里

方依齊非與魯也

史記秦伐齊取剛壽壽郎壽聚詳班固曰壽良魯地蓋後入

齊也春秋會吳於良即漢東海良成縣非此地壽張有高粱亭見汶上疑漢縣以壽與高粱得名耳

漢兗州東郡須昌縣壽良縣及泰山郡桃鄉縣地又東平國治

無鹽縣景帝中六年分梁置濟東國武帝元鼎元年改大河郡

宣帝甘露六年改東平國又章縣即富成縣戴村壩古四汶口桃鄉地也

須昌縣故城在西北十五里

壽良縣故城在西南里

續山東考古錄 卷之七 東平州 二 蝸角尖廬

東平國故城在東二十里今須城村

無鹽縣故城在東二十里今無鹽村

章縣故城在東七十許里今鄆城集五城並詳下

富城縣故城在東八十許里水經注濟水東北過壽張縣西

界安民亭南汶水從東來注之又北逕須朐城西注城側臨

濟水杜預曰須朐在須昌西北非也地理志壽張縣西北有

朐城者是也郡國志訛狗城濟水西有安民亭亭北對安民山東臨

濟水水東即無鹽縣界也經又逕微鄉東注春秋築郟京相

璠曰公羊傳謂之微在東平壽張縣西北三十里杜預曰有

微子冢經又北過須昌縣西京相璠曰須朐一國二城兩名

蓋遷都須昌胸是其本烏知須昌非秦縣乎此或有本秦以為縣又汶水自

亭又西南過東一本脫平章縣南注故城在無鹽城東北五

十里又南泌水自句窟亭西又西南逕富城縣故城西又西南注

於汶經汶又西南過無鹽縣南又西南過壽張縣北又西南逕

安民亭南注於濟注汶水自桃鄉四分謂之四汶口左二汶

雙流西南至無鹽縣之郈鄉城南其城無南面又西南云云

詳水考次一汶此右汶西逕郈亭北又西至壽張故城東遂為澤

渚其右一汶此右汶西逕無鹽縣故城南又西逕洽鄉城南又

西南逕壽張縣故城北春秋之良邑也此誤縣有壽聚又西南

長直溝水注之水出須昌縣城東北穀陽山南逕須昌城東

續山東考古錄 卷之七 東平州 三 蝸角尖廬

又南漆溝水注焉水出無鹽城東北五里阜山下西逕無鹽

故城北水側有東平憲王蒼冢其水又西流注長直溝水奇

分為二一水逕須昌南入濟一水南流注於汶汶又西入濟

按微城即魯郟邑微子城在山西潞城縣東北十五里鄭康

成謂微在殷之圻內則在彼不在此此城當在州西紀要謂

在今壽張南非是 秦漢魏晉宋後魏隋唐須昌縣皆在須

昌城在今州西北十五里宋志有明據詳下須句城當在其西

南蓋漢時其城屬壽良也元和志稱鄆州理故須句城其城

在濟水東二里與須句城側臨濟水不合則仍治須昌城矣

紀要以今治為須句城今治尚在右右汶之北愈不能側臨

濟水又以齊須昌縣爲須句城則尤謬 東平國王城與無
鹽縣城漢縣城與後魏縣城皆非一城通典須昌下漢無鹽
故城在今縣東又有漢東平國故城並在今縣東此國縣有
兩城明証魏志無鹽有無鹽城元和志須昌下云前此須昌
縣 此卽國城劉宋移縣與郡同治齊改須昌李氏誤以爲漢須昌而以州理須昌爲須句城 在今須昌縣
東南三十二里無鹽故城在縣東三十六里此須昌卽後魏
無鹽又漢縣魏縣有兩城明證州北大清河卽漆溝故渠水
側有東平憲王墓可證州東二十許里無鹽村有古城府志
誤作郟城在大清河南小清河北 卽右右汶 此古宿國漢無鹽縣
城也此城隔大清河之北須城村有古城在州東二十里此

續山東考古錄

卷之七

東平州

四 蝸角尖廬

東平國後魏無鹽縣齊須昌縣隋宿城縣唐東平縣城也

安民亭在州西南五十里

有安民山可証近志稱在州西十里誤

實壽張之西

境右左汶卽州南龍拱河郟亭在南可證逕郟亭後卽至壽
張故城東右汶逕壽張城北在逕無鹽洽鄉後而須胸城
實在壽張城之西北則壽張城當在今州西南不甚遠州西
南五十里壽張集乃後魏濟州壽張非漢縣 富城當在州
東與肥城接界處或云近平陰不合

後漢兖州東平國治無鹽縣又須昌縣富城縣章縣壽張縣本

壽良光武改名魏黃初五年壽張爲縣王國太和六年復故

王徽

進封晉省章縣 後漢志無鹽有章城蓋王莽改桃鄉曰鄣亭魏志無鹽有南章城卽桃鄉城非章縣也

東平

三國魏志東平靈王徽黃初四年徙封壽張王自廬江徙封此五年

改封壽張縣按魏黃初五年普降諸王為縣王四年猶未降

壽張本縣名疑四年徙封東平王誤作壽張

補東晉志東平郡下晉書孝武太元十九年東平太守韋簡

及慕容垂將尹國戰於平陸據此則東晉已改郡矣補十六

國志前秦東平國下引晉書符堅東平太守楊光稱國誤矣

劉宋兖州東平郡治無鹽縣及須昌縣壽張縣後魏復置富城

劉宋志無鹽寄治郡下前此不與國郡同城可知須昌壽張

亦寄治郡下若陽平郡之樂平館陶則寄治無鹽蓋漢無鹽

縣城其分地在今汶上寧陽故此不書明帝時東郡太守鎮

續山東考古錄 卷之七 東平州 五 蝸角尖廬

無鹽亦寄治也范縣亦寄治郡下今州境無其地

魏志富城有富城蓋復置非漢治也今未詳

高齊兖州東平郡須昌縣郡移治博廢無鹽縣移須昌治之

隋志宿城下後齊曰須昌舊置東平郡後齊並廢按此並字

當指郡與無鹽郡字下當有及無鹽縣四字不然齊未廢須

昌也 元和志東平縣古宿國兩漢為無鹽地後齊於此置

須昌縣屬東平郡按數語最核實非漢無鹽縣城乃其地非

秦漢須昌乃齊須昌東平郡雖廢又改東泰山郡為東平郡

縣仍屬之宿國亦謂其地非其城其須昌縣下又以此為漢

須昌直以宿為須句矣舊唐志誤同

壽張富城當皆齊省隋之壽張乃後魏濟州之壽張非此壽張

隋鄆州須昌縣宿城縣開皇十六年改須昌後魏無鹽高齊須昌為宿

城須昌還治須昌故城

唐河南道鄆州治天平軍節度使治須昌縣貞觀八年省宿

城入之自鄆城移州來治景龍元年舊唐志作景雲誤復置宿城縣天

寶十三載併濟陽郡貞元三年據元和志寰宇記作元年升都督府四年舊唐

志誤作貞觀四年改宿城為東平移入州城與須昌同倚郭元和十五年賜軍

號太和四年改東平為天平六年省入須昌五代梁因之唐改

須城晉漢周因之

新唐志鄆州領縣九舊唐志云領縣十而所列仍九縣蓋天

續山東考古錄卷之七東平州六 螭角尖廬

平未省前原文也

通鑑辨誤武德四年徐圓朗昌州刺史劉善行來降史炤曰

昌州本蒲縣此時圓朗據兗州自以須昌縣置昌州耳蒲縣

之昌州圓朗安能有之耶據此是隋唐之際縣為徐氏昌州

矣

宋京東西路東平府東平郡天平軍節度治須城縣慶厯三年

於郡置京東西路安撫使大觀元年升大都督府政和四年移

安撫使於應天府宣和九年改為東平府

宋須城縣即今州治宋志咸平三年移治於東南十五里陽

鄉之高原鄆州並徙後鄆州還治鄆城按陽鄉疑即洽鄉九

域志江浙本作東平府舊鄆州東平郡而鄆城自屬濟州宋志

同皆無鄆州徙鄆城事是鄆州升府後別無鄆州也疑誤

金山東西路轉運使治東平府天平節度治須城縣

元都省山東東平路總管府治須城縣太祖十五年置總管府至元五年降散府九年改下路總管府

明山東布政司兗州府東平州吳元年改東平路為府七年降州屬濟寧府廢須城縣其地直隸於州十八年來屬附洪武初置東平千戶所

國朝山東布政司泰安府東平州初因明舊雍正二年直隸布政司十三年降散州來屬 裁千戶所

續山東考古錄

卷之七

東平州

七 蝸角尖廬

州志道光五年修沿革秦碭郡須昌縣按須昌秦東郡屬

紀要本通典東平秦碭郡以東平梁國所分梁碭所分也

此唐天寶十三載前州郡沿革後并濟陽已不可用况今

州乎 前漢無壽良後漢有壽張已謬唐宋金元皆列壽

張明不列以明徙今治抑知隋以後壽張已非漢舊乎

古蹟以隋宿城為古宿國已誤又別出無鹽城矛盾甚矣

陽穀故城隋置縣按此古邑非隋縣 桃鄉即後漢光

武紀之桃城此沿革懷誤注詳鄒縣

東阿縣

齊穀邑濇邑周首邑留舒邑嶺邑衛桃邱邑西境當有柯邑地南境當有陽

穀邑即今縣治春秋莊公七年夫人姜氏會齊侯於穀杜注齊地今濟北穀城縣又三十二年城小穀杜注齊邑濟北穀城縣城中有管仲井左傳城小穀為管仲也按留舒違穀七里留舒城在魚山上魚山在縣西北八里今治即古穀邑矣又小穀是魯地非管仲所封詳前錄

春秋隱公四年冬及宋公遇於清杜注濟北東阿縣有清亭水經注濟自魚山北逕清亭東京相璠曰今濟北東阿東北四十里有故清亭按當在今治西北不遠

又文公十一年左傳齊襄公之二年魯桓十六年水經注引無齊字與魯襄混通志

續山東考古錄

卷之七

東阿縣

八 蝸角尖廬

引作桓公十八年誤鄭瞞伐齊齊王子成父獲其弟榮如埋其首於周

首之北門杜注周首齊邑濟北穀城縣東北有周首亭水經

注濟過穀城縣西又北逕周首亭西按當在今治北

留舒邑故城在縣西北八里左傳哀公二十七年陳成子救

鄭及留舒違穀七里穀人不知水經注吾山上有柳舒城紀

要留舒城在東平州西誤

春秋僖公二十六年公追齊師至鄒弗及杜注在穀城縣西

後漢志穀城有嵩下聚晉志訛作烏下

桃邱故城在西南五十里今陶城鋪春秋桓公十年公會衛

侯於桃邱杜注東阿縣東南有桃城漢書王子侯表陶鄉侯

恢東平場王子疑卽此城或以爲任城之桃聚非詳鄒縣

漢兗州東郡臨邑縣及東阿縣地荏平縣地須昌縣地

水經注鄧里渠於東阿故城北合將渠又東北逕荏平縣東

與臨邑縣故城西而北大河又濟水逕周首亭西又北逕

臨邑縣東逕其東境水有石門後漢書宗室四王三侯傳封復爲

臨邑侯章懷注臨邑屬東郡今本誤作海在今濟州東亦名馬防

城通典盧縣卽漢荏平下漢臨邑縣故城在今縣東卽馬防城據

此是漢臨邑城在大河南鄧里渠東濟水西東阿東北荏平

東南二縣指漢城周首及石門之西北河在今縣北五六十里有

楊劉鎮可證漢荏平在後魏聊城縣南五十一里當在今治

續山東考古錄 卷之七 東阿縣 九 蝸角尖廬

北少西五十許里石門在今治東北十里濟水卽大清河漢

臨邑在縣北境明矣或謂卽銅城驛者其地頗近是備考禹

貢錐指稱在今荏平境以唐盧縣卽漢荏平故耳抑知今荏

平境皆在河北哉王莽改臨邑爲穀城亭當近穀城矣

漢東阿縣故城在西四十里今隸陽穀縣志亦載陽穀邑蓋

王古店本在縣與東平分界處穀城前漢亦須昌地荏平見

上故知今縣有前漢東阿荏平須昌地

後漢兗州東郡穀城縣臨邑縣及東阿縣地東平國須昌縣地

濟北國荏平縣地魏未詳補三國志臨邑穀城皆屬濟北與晉同恐未確今關疑俟考

舊說後漢穀城卽今治考水經注濟自魚山東又北逕清亭東又

北過穀城縣西注濟水側岸有尹卯壘南去漁山四十餘里

或疑銅城爲尹卯壘其地不能側是穀城縣界魏土地記曰

濟岸南去漁山當是西南去也縣有穀城山陽穀之地時陽穀未置縣或古邑地歟否則是穀城之訛又有狼水出

東南大檻山狼谿西北逕穀城西又北有西流泉出城東近

山西北逕穀城北西注狼水又西北入清水句絕近志與下

城西北三里穀城有項王羽之家按大檻山亦在今縣東南

惟此合水經注山在今治東南三十里縣志稱狼水西流水

今稱東流水其源出治東南十五里天池山下之洪範池

自今治視之不得云城東近山也西流水於今治東南合狼

水不逕其北項王墓在今治南十許里穀城故城似當在其

續山東考古錄 卷之七 東阿縣 十 蝸角尖廬

東南也存疑俟考

晉兖州濟北國治穀城縣國治縣之盧子城又臨邑縣及東阿

縣地東平國須昌縣地永嘉以前縣境當仍有荏平地

盧子城卽周首亭據杜預說見前知爲穀城地水經注京相璠

曰今濟北郡晉志所治盧子城故齊周首邑也是晉已治此

補東晉志東阿有陽穀亭據元和志也按晉時陽穀係須昌

地杜預有明文不得以唐地志爲據

劉宋兖州濟北郡穀城縣郡徙治肥城故城又東平郡須昌縣

地大明元年省臨邑縣

宋志永初郡國有臨邑何志無蓋偶脫耳

後魏濟州濟北郡治盧子城為盧縣地魏志盧縣有盧子城蓋後魏盧治碯礮城省穀

城析人及臨邑縣東阿縣後魏復置二縣移東阿來治今縣西

盧也二十六里又兖州東平郡須昌縣地

魏志臨邑有臨邑城蓋復置非舊治也今未詳

又東阿有東阿城是後魏已非漢治自是迄唐東阿未徙治

元和志東阿縣東阿故城在西二十里漢東阿縣也括地志稱在西

南二十又云魚山在縣東南二十里穀城山在縣東三十二

里項羽墓在縣東二十七里括地志穀城故城在東阿東二

十六里即今治至後魏迄唐東阿縣城里數矣

又濟州盧縣有柳舒城隋志盧縣有魚山是魏齊周隋盧縣

續山東考古錄 卷之七 東阿縣 七 蝸角尖盧

南境兼有古東阿地

高齊濟州濟北郡東阿縣及盧縣地周隋因之

隋以後有僑置之臨邑其實土蓋齊省入盧縣

唐河南道鄆州東阿縣初屬濟州武德四年復置穀城縣又

置昌城縣六年皆省天寶十三載來屬五代因之

漢書王子侯表昌城侯豐東平思王孫水經注河水自鄧里

渠北逕昌鄉亭北逕碯礮城西唐縣即此城當在縣西北境

隋志東阿有嶮山狼水東南境已與今同而魚山以北猶屬

盧縣唐時魚山已屬東阿宋廢盧縣縣北境始與今同

宋京東西路東平府東平郡東阿縣

金山東西路東平府東阿縣

續通考東阿縣宋徙新橋鎮今治北八里舊城村是九域志

縣有北新橋鎮非宋徙也紀要一統志通志府縣志並稱宋

開寶八年徙治南穀鎮即舊縣太平興國二年徙治利仁鎮金

縣有利仁鎮縣志云即今縣南二十里棘城村紹興三年金人徙治於新橋鎮近志稱天

會續通考稍誤至宋之二徙遍考無此說而牴牾尤甚元和

志東阿在州西北五十里唐鄆州在今東平西北十五里也

寰宇記作四十五里太平興國在咸平前時州仍唐治舊縣

至彼不過三十許里棘城至彼不過二十許里與四十五里

之數皆不合是太平興國時東阿仍唐故治也寰宇記與元和志里數小

續山東考古錄

卷之七

東阿縣

三 蝸角尖廬

異者甚多五里之差不足為疑九域志東阿在州西北六十里其時州已徙

今治本四十五里加十五里正得六十里是元豐時東阿仍

唐治而開寶太平二徙有大有可疑者矣或出明代邑志附會

俟再考

元都省山東東平路東阿縣

明山東布政司兗州府東平州東阿縣

明東阿縣即今治明志東阿下故城在西南洪武八年徙於

此則元代縣治即舊縣鎮矣未詳何時所徙以有眾証之漢臨邑唐東阿今

皆不能確指其地有相近之留舒今治為穀城無疑有西北

之項家穀城在其東南亦無疑兩無可疑一無可信矣宋人

二徙觀近志似確鑿可憑證往籍皆齟齬不合金人一徙差

有續通考可據而又以金為宋是其考古之難幾埒荏平矣

國朝山東布政司泰安府東阿縣初因明舊雍正十三年來屬

縣志道光九年修沿革西漢濟北郡穀城縣按西漢無此

郡並無此縣 隋兗州治滑縣按隋兗州治瑕邱且與縣

無涉 隋代不書縣名 唐宋金元皆無縣名惟稱緊縣

中縣並云天寶元年更名緊縣是直以今繁簡等字作縣

名矣鄙陋何至於此 古蹟無後魏至五代東阿古城

平陰縣

周齊郛邑石門邑

東北當有平陰邑地其城在今治東北三十五里屬肥城

郛邑在西南三十里春秋襄公十八年左傳晉伐齊魏絳樂

盈以下軍克郛杜注平陰有郛山按今名亭山

續山東考古錄

卷之七

平陰縣

三 蝸角尖廬

石門邑在西南

里春秋隱公三年齊侯鄭伯盟於石門

杜注齊地或曰濟北盧縣故城濟水之門水經注京相璠曰

今濟北盧縣故城西南六十里有故石門去水三百步蓋水

瀆流移故側岸也按杜預所稱或曰即指京氏所引似有脫

文其地古在盧與臨邑分界處今在縣與東阿分界處

漢盧縣地文帝前元年於盧縣西南別築城為濟北國治四年

為郡十六年復為國武帝後元二年國除入泰山郡以國治城

為北安縣屬泰山郡後并入盧縣

何時并
入無考

北安縣故城在東十里今安城鋪漢書淮安衡山濟北王傳

濟北王寬自剄死國除為北安縣屬泰山郡按表時當武帝

後元二年也蓋本盧縣地別建城爲濟北王都國除自爲縣
後又并入盧縣故漢志不載縣東十里有安城鋪卽其故址
矣通典不知爲漢故縣以爲齊之鞍邑非也

後漢魏晉劉宋盧縣地後魏太原郡之盧縣地齊周肥城縣地

隋析肥城置今縣蓋高齊省太原盧縣入肥城

隋濟北州平陰縣開皇十四年置榆山縣大業初移今治改名

元和志隋於平陰西北二十八里置榆山縣云云已詳肥城

唐河南道鄆州平陰縣初屬濟州天寶十三載來屬太和六

年省入盧與東阿開成二年復五代因之

宋京東東路東平府東平郡平陰縣

續山東考古錄 卷之七 平陰縣 古 蝸角尖廬

金山東西路東平府平陰縣

元都省山東東平路平陰縣至元中東境析入肥城縣

明山東布政司兗州府東平州平陰縣

國朝山東布政司泰安府平陰縣初因明舊雍正十三年來屬

平陰縣志 嘉慶十三年修 知縣喻

泰安府補遺

泰安縣

路史鑄國卽祝國誤 又謹亭在濟之乘邱又云乘邱唐入鉅野按謹亭在蛇邱誤作乘邱乘邱屬泰山誤作屬濟隋改乘氏爲乘邱省入鉅野誤作唐省宋濟州治鉅野誤作古濟北入鉅野者乃漢山陽之乘氏誤作漢泰山之乘邱 又衛國杜預云奉高西北有衛亭昭八年接商衛者按康叔所封之外何嘗更有衛國杜預亦無此注

後漢書注引封禪記二月十二日宿奉高國家居太守府舍東方諸侯惟中小侯齋城外汶水上據此奉高城實瀕汶水不在

續山東考古錄

秦補

一 蝸角尖廬

泰山之麓明矣又云自奉高發九十里至梁甫古九十里當今五十許里今故縣莊至羊祜城正合此數

宋史五行志大中祥符元年乾封縣奉高鄉民田禾異畝同穎縣廢爲鄉卽以爲名也

元史百官志大德二年置泰安長官司掌民一百有一戶

曹州長官司當卽與州縣同治

此與臨邑

新泰縣

魏書羊深傳泰山平陽人按平陽晉已改名新泰此誤

萊蕪縣

路史牟國泰山牟縣今文登謬甚又云漢牟縣今奉符亦誤

東平州

山河兩戒考微欒鼎銘云王命微欒繼治九服用錫康嗣魯休當是魯之支庶有封於微者卽州境微城按無專鼎頌壺頌敦並有魯休字自是古人常語積古齋鐘鼎款識魯休猶言嘉休余謂魯同鹵大也與魯國無涉 路史須昌魯東鄆邑甚謬後漢志壽張下云春秋曰良水經注誤本此又云有堂聚故聚屬東郡按水經注壽張有壽聚此涉上文堂陽亭誤又衍下聚字耳

晉志後漢順帝改濟東爲東平按前漢已改濟東爲東平並未復名濟東此志疑誤

續山東考古錄

秦補

二 蝸角尖廬

宋書文帝紀元嘉八年檀道濟破索虜於東壽張東字下脫平字道濟傳有平字

郡國利病書通鑑裴度討李師道請令田宏正自楊劉渡河直指鄆州至陽穀置營宏正奉命自楊劉渡河距鄆四十里築壘師道遣劉悟屯於陽穀夜半還兵天未明抵城下胡注九域志陽穀在州西一百三十里非也去州百三十里者乃今陽穀在西北楊劉在州正北不應楊劉渡河迂至西又轉而東且悟以三鼓還師安得未明行百三十里此陽穀乃今陽穀店在州北四十里卽度所令置營地也按此陽穀乃古邑胡氏旣誤以爲陽穀縣又誤以宋縣爲唐縣但唐鄆州在今州西北十五里北

去陽穀店無四十里置營之處當尚在陽穀店之北 唐末五代每稱鄆州爲汝陽見於冊府元龜及新舊五代史者指不勝屈舊史張延播盧順密傳逕云汝陽人吳巒傳云汝陽盧縣人

新史作鄆州盧縣人

和凝傳云汝陽須昌人竟似鄆州改名汝陽者殊不合

舊史范延光傳徙鎮天平又稱爲汝上

五代會要周廣順元年升曹州爲彰信軍以鄆州隸之按鄆州自爲天平軍治周並未廢節度恐無此制再考

宋咸平三年徙州治宋志作陽鄉姚鉉傳作汝陽鄉

東阿縣

宋書符瑞志晉海西公泰和元年陽穀獻白兔考陽穀亭晉爲

續山東考古錄

秦補

三 蝸角尖廬

須昌縣地白兔出此當書須昌獻不得越縣而書亭也且東晉海西公時東平非所有非此陽穀明矣晉志揚州宜城郡春穀縣下注云孝武改春爲陽蓋避鄭太后諱也海西時獻白兔者定是此縣而補東晉志係之東阿陽穀亭下甚誤晉陽穀亭隸須昌杜預有明文而據元和志係之東阿誤而又誤矣

郡國利病書通鑑田宏正奏敗師道兵於東阿注云東阿漢古縣唐屬鄆州九域志在州西北六十里與今舊縣相合而舊志載宋時始由阿城遷於南穀審如所紀則唐時邑城方在故阿去州百里而遙矣然則南穀有城不自宋始也按唐鄆州在今東平西北十五里唐東阿在州西北四十五里見元和志卽後

魏復立之東阿並非漢縣宋咸平二年州徙今東平故九域志作六十里宋初兩遷余雖疑之然尚恐或別有據觀顧氏第謂舊志云爾可知竟出於近志之附會矣特唐東阿在漢縣東二十里具載元和志顧氏云云竟似唐已徙南穀者夫通鑑所載固唐代事胡氏所引乃宋人書烏足爲唐縣已徙南穀之證乎後漢書注東阿今濟州縣是章懷亦不知其時非漢始也宋史五行志太平興國四年鄆州清汶二水漲壞東陽縣民田陽阿字筆誤